



BOSNA I HERCEGOVINA  
FEDERACIJA BOSNE I HERCEGOVINE  
UNSKO – SANSKI KANTON  
**OPĆINSKI SUD U VELIKOJ KLADUŠI**



Broj: 023-0-SU-21-000418

Velika Kladuša, 28.06.2021. godine

**Godišnji program rada  
Općinskog suda u  
VELIKOJ KLADUŠI  
2021. – 2023.**

**Velika Kladuša, juni 2021. godine**

## SADRAŽAJ

A. Uvod .....	3
1) NADLEŽNOST SUDA .....	4
2) SAŽETAK ANALIZE STRATEŠKOG OKVIRA .....	5
3) SAŽETAK PRIORITETA ZA PLANSKU GODINU, KAO I PROCJENE MOGUĆIH PROBLEMA I RIZIKA U REALIZACIJI; .....	6
4) ANALIZA UNUTRAŠNJEG I VANJSKOG OKRUŽENJA U KOJEM RADI SUD;.....	10
B. Pregled strateških ciljeva suda.....	11
C. Trogodišnji ciljevi i aktivnosti po strateškim ciljevima .....	13

## A. Uvod

Strateškim planom Općinski sud u Velikoj Kladaši će nastojati ispuniti uslove kao što su: efikasnost, efektivnost, koordinacija, odgovornost i osiguravanje vladavine prava definisanti strateške ciljeve, trogodišnje ciljeve i aktivnosti koje proizilaze iz relevantnih strateških dokumenata i iz pozitivnih zakonskih propisa koji određuju organizaciju, rad i nadležnost suda.

Srednjoročnim planom rada VSTV-a za period 01.01.2021. - 31.12.2023. godine, definisani i srednjoročni ciljevi VSTV-a koji se odnose na "unapređenje odgovornosti, nezavisnosti, efikasnosti i kvaliteta u sektoru pravde u Bosni i Hercegovini" te specifični ciljevi koji se ogledaju u "unapređenju nezavisnosti, efikasnosti, kvaliteta, odgovornosti i transparentnosti pravosuđa u BiH".

U dijelu specifičnih ciljeva kao što su unapređenju nezavisnosti, efikasnosti, kvaliteta, odgovornosti i transparentnosti pravosuđa u BiH, ovaj sud postigao je visok stepen efikasnosti i ažurnosti koji je neophodno održati, te u narednom periodu podići na nivo potpune efikasnosti i ažurnosti vanparničnog odjeljenja što je prvi i osnovni prioritet i strateški cilj ovog programa.

Postavljeni zadaci u reformi pravosuđa u Bosni i Hercegovini na svim nivoima, pa i na nivou našeg suda pokazuju da je nužno sačiniti ovaj strateški program rada koji će sadržavati specifične ciljeve i aktivnosti u razvoju suda, sa identificiranim prioritetima, ljudskim, tehničkim i materijalnih resursima, partnerima sa kojim ćemo saradivati i načinima praćenja ostvarenja provođenja programa i evaluaciju postignutih rezultata.

Svojim Programom rada za period 2021. godine do 2023. godine, Općinski sud u Velikoj Kladaši ima za cilj zakonito, blagovremeno, efikasno i kvalitetno izvršavanje svih poslova i zadataka iz nadležnosti ovog suda, a koja se nadležnost temelji na Ustavu Federacije BiH, Zakonu o sudovima u Federaciji BiH, Zakonom o Visokom sudskom i tužilačkom vijeću BiH, kao i na drugim zakonskim i podzakonskim aktima.

## 1) NADLEŽNOST SUDA

Temeljem Zakona o sudovima u Federaciji Bosne i Hercegovine ("Službene novine Federacije BiH", broj 38/05, 22/06, 63/10, 72/10, 7/13 i 52/14), Općinski sud u Velikoj Kladaši nadležan je:

a) U krivičnim predmetima:

- da u prvom stepenu sudi: za krivična djela za koja je zakonom propisana kao glavna kazna novčana kazna ili kazna zatvora do 10 godina, ako posebnim zakonom nije određena nadležnost drugog suda; za krivična djela za koja je posebnim zakonom određena nadležnost općinskog suda; za krivična djela za koja je Sud Bosne i Hercegovine prenio nadležnost na općinski sud; u svim krivičnim postupcima protiv maloljetnika; da postupa tokom istrage i nakon podizanja optužnice u skladu sa zakonom; da odlučuje o vanrednim pravnim lijekovima kad je to zakonom predviđeno; da odlučuje o brisanju osude i prestanku mjera sigurnosti i pravnih posljedica osude, na osnovu sudske odluke i da postupa po molbama za pomilovanje u skladu sa zakonom.

b) U građanskim predmetima da u prvom stepenu sudi: u svim građanskim sporovima i u vanparničnom postupku.

c) U prekršajnim predmetima da u prvom stepenu sudi: u svim prekršajnim predmetima i odlučuje o zahtjevima za ponavljanje prekršajnog postupka.

d) U drugim predmetima: da vodi izvršni postupak, ako zakonom nije drugačije određeno; da određuje mjere osiguranja, ako zakonom nije drugačije određeno; da rješava u posebnim postupcima, ako zakonom nije drugačije određeno; da obavlja zemljišno-knjižne poslove u skladu sa zakonom; da pruža pravnu pomoć sudovima u Bosni i Hercegovini; da vrši poslove međunarodne pravne pomoći, ako zakonom nije određeno da neke od tih poslova vrši kantonaini sud i da vrši druge poslove određene zakonom

Općinski sud u Velikoj Kladaši mjesno je nadležan za područje Općine Velika Kladaša.

### 1.2. MISIJA SUDA

Općinski sud u Velikoj Kladaši kao ažuran i nezavisan sud, osigurava pristup pravdi i pravnu sigurnost građana i pravnih lica.

### 1.3. VIZIJA SUDA

Općinski sud u Velikoj Kladaši, kao nezavisna i ažurna pravosudna institucija, u skladu sa Ustavom i pravilnom primjenom zakona osigurava svim fizičkim i pravnim licima jednakost pred zakonom, jednakost u pristupu pravdi te efikasno kvalitetno i transparentno ostvarivanje građanskih i drugih prava u svim sudskim postupcima.

## 2) SAŽETAK ANALIZE STRATEŠKOG OKVIRA.

1. Ustav Bosne i Hercegovine
2. Ustav Federacije Bosne i Hercegovine
3. Zakon o sudovima u F BiH
4. Strategija za reformu sektora pravde u Bosni i Hercegovini za period od 2014. do 2018. godine
5. Srednjoročni plan rada Visokog sudskog i tužilačkog vijeća za period od 01.01.2021. do 31.12.2023. godine
6. Strateški plan VSTV-a BiH

Općinski sud u Velikoj Kladuši ima u vidu i institucionalne obaveze koje za sud prozilaze iz pozitivnih zakonskih propisa koji određuju organizaciju, rad i nadležnost suda.

Strateški okvir za sektor pravde u BiH, sastoji se od vizije i pet dugoročnih prioriteta, a svaki od dugoročnih prioriteta povezan je sa jednom od strateških oblasti reforme.

Vizija za sektor pravde u BiH: Efikasan, efektivan i koordiniran sistem pravde u BiH koji je odgovoran prema svim građanima BiH i potpuno usklađen sa EU standardima i najboljom praksom, garantujući vladavinu prava.

Dugoročni prioriteti za sektor pravde definisan je, između ostalog i kroz:

### Stratešku oblast 1.- Pravosuđe

Kroz ovu stratešku oblast naglasak je na jačanju nezavisnosti, efikasnosti, efektivnosti, odgovornosti i profesionalizma pravosudnih institucija u BiH. U dugoročnom prioritetu pažnja ostaje na povećanju kvalitete rada pravosudnih institucija u BiH, kroz unapređenje sistema obuke nosilaca pravosudnih funkcija u BiH i drugih zaposlenika u pravosuđu, te koordinacija sa drugim dijelovima sektora pravde u BiH, uz nastavak aktivnosti usmjerenih prema ranjivim i marginalizovanim grupama, kao korisnicima usluga pravosuđa. Takođe, u ovu stratešku oblast su uključeni i strateški programi za jačanje otvorenosti (transparentnosti) u radu pravosuđa, te osiguravanje dvosmjerne komunikacije između pravosudnih institucija, medija, korisnika usluga pravosudnih institucija u BiH, te stručne i šire javnosti. Pitanja iz dugoročnog prioriteta ove strateške oblasti podijeljena su u četiri strateške podoblasti, a za svaku od njih izrađeno je više strateških programa.

Srednjoročnim planom kao drugim strateškim dokumentom, kroz Poglavlje 6. definisan je Okvir za praćenje provođenja plana i vrjednovanje rezultata. Istim su utvrđeni pokazatelji uspjeha i pokazatelji rezultata, a izraženi su procentualno, odnosno brojčano. Istim su definisani su srednjoročni i specifični ciljevi, a u suštini odnose se na unapređenje odgovornosti, nezavisnosti, efikasnosti i kvaliteta, te transparentnosti pravosuđa.

Program rada Općinskog suda u Velikoj Kladuši temeljem navedenih dokumenata definira svoje strateške ciljeve.

### 3) SAŽETAK PRIORITETA ZA PLANSKU GODINU, KAO I PROCJENE MOGUĆIH PROBLEMA I RIZIKA U REALIZACIJI;

U skladu sa vizijom suda utvrđeni su prioriteti koji će se odvijati u okviru strateških ciljeva, strateški cilj **"Unapređenje efikasnosti i efektivnosti pravosudnih institucija BiH"** predstavlja glavni fokus ovog suda u narednom periodu, isto tako svojim radom i planiranim aktivnostima sud nastoji da doprinese realizaciji drugog strateškog cilja: **"Unapređenje efikasnosti, odgovornosti, kvalitete i neovisnosti sektora pravde u BiH"** a time i jačanju pravosudnog sektora u cjelini te u odnosu na treći strateški cilj : **"Unapređenje transparentnosti i otvorenosti rada suda"**, ključni prioritet jeste da sud ostvari proaktivan stav u pogledu transparentnosti.

Na osnovu navedenih strateških dokumenata, Općinski sud u Velikoj Kladaši, kao prioritet određuje slijedeće trogodišnje ciljeve:

1. Zadržavanje dostignute efikasnosti i ažurnosti rada suda, te unaprijeđenje efikasnosti i ažurnosti vanparničnih predmeta - ostavinski predmeti,
2. Unapređenje kvalitete rada suda,
3. Unapređenje transparentnosti rada suda.

#### **Trogodišnji cilj 1 - Unapređenje efikasnosti i efektivnosti pravosudnih institucija BiH**

Analizom stanja u pogledu efikasnosti rada u proteklom periodu, Općinski sud u Velikoj Kladaši postigao je visok stepen efikasnosti i ažurnosti koji je neophodno održati, te u narednom periodu podići na nivo potpune efikasnosti i ažurnosti vanparničnog odjeljenja što je prvi i osnovni prioritet i strateški cilj ovog programa.

Ovim strateškim ciljem nastoji se postići:

- a) održan trend ažurnosti i efikasnosti,
- b) smanjen broj neriješenih ostavinskih predmeta,
- c) smanjen broj neriješenih svih ostalih predmeta.

U okviru ovog strateškog cilja definisani su trogodišnji ciljevi koje sud planira realizirati u naredne tri godine i koji doprinose realizaciji strateškog cilja.

Trogodišnji ciljevi su:

1. sud uspijeva da riješi priliv predmeta u potpunosti na svim referatima,
2. smanjen broj neriješenih ostavinskih predmeta za 30%,
3. riješeni svi neriješeni ostavinski predmeta iniciranih 31.12.2018. godine i ranije
4. smanjen broj neriješenih predmeta na drugim referatima za 10%.

Prvi trogodišnji cilj je da u 2021. godini riješimo priliv u svim predmetima, jer bi tako održali dostignutu ažurnost suda.

U ovom sudu najveći broj neriješenih predmeta, predstavljaju ostavinski predmeti. Notari ne rješavaju ove predmete ukoliko makar jedan od nasljednika ne

želi platiti njihovu pruženu uslugu. Iz ovih razloga notari su sudu vratili predmete koji nisu riješeni, a inicirani su do 31.12.2017. godine. Ukoliko notari u toku trećeg kvartala ove godine ne riješe ostavinske predmete inicirane do 31.12. 2018. godine, i ove predmete vratit će sudu.

Ovaj sud jeste ažuran u vezi drugih predmeta kod ovog suda, kao i redovnih zemljišnoknjižnih predmeta, te s toga ostvarenjem prvog cilja, rješavanja kompletnog priliva, i ostvarenjem ovog četvrtog cilja, smanjenja ukupnog broja svih neriješenih predmeta za 10%, sud će nastaviti da održava trend ažurnosti i efikasnosti rješavanja svih predmeta, a to jeste interes svih sranaka da se njihovi predmeti rješavaju blagovremeno.

Realizacijom ovih trogodišnjih ciljeva, ovaj sud bi poboljšao dostignutu ažurnost kod svih ostalih predmeta i dostigao ažurnost u ostavinskim predmetima.

Aktivnosti koje će se poduzimati u cilju realizacije ovog strateškog cilja su sljedeće:

- održavanje redovnih stručnih kolegija radi analiziranja rješavanja svih predmeta, kako onih koji su uključeni u plan, tako i predmeta koji nisu uključeni u plan, za svakog nositelja pravosudne funkcije pojedinačno,
- predsjednica suda i sudska uprava će nastaviti sa praksom sastavljanja mjesečnih izvještaja o broju riješenih i neriješenih predmeta i opterećenosti ovim brojem svih NPF-e pojedinačno, te postavljanju ovih izvještaja na zajedničke dokumente suda,
- u slučaju neočekivanog priliva određene vrste predmeta, blagovremeno izvršiti preraspodjelu predmeta NPF-e,
- nastaviti praksom održavanja sastanaka najmanje dva puta godišnje sa notarima koji imaju sjedište kao i ovaj sud, a radi ubrzavanja rada notara u ostavinskim predmetima koji su im povjereni, te sukladno rezultatima, zatražiti od notara da predmete koje ne namjeravaju riješiti u skorije vrijeme, vrate ovom sudu,
- suci koji duže ostavinske predmete, a koji su vraćeni sudu na rješavanje, mjesečno dostavljati izvještaje sudskoj upravi šta su poduzeli u ovim predmetima

Potencijalne probleme i rizike koji se mogu pojaviti kao prepreka za realizaciju ovog strateškog cilja prepoznamo u vidu sljedećih okolnosti:

- neočekivanog značajnog priliva predmeta ili određene vrste predmeta većih za 20% ,
- eventualna ograničenja u radu suda, koja ograničenja donose krizni štabovi, a vezana su uz pandemiju virusa COVID-19,
- iznenadno smanjenje trenutnog broja nositelja pravosudne funkcije u ovom sudu za više od dva izvršitelja.

## **Trogodišnji cilj 2. - Unapređenje kvalitete rada suda**

Analizom kvaliteta sudskih odluka u Općinskom sudu u Velikoj Kladaši, može se izvesti zaključak da se radi o solidnom kvalitetu, a uočen pad kvaliteta odluka u 2020. godini je posljedica većeg broja, ukinutih odluka i to rješenja o mjesnoj nenadležnosti, po tužbama pravnog lica koje je u stečaju – tipski predmeti. U 2019.



godini kvalitet odluka je bio 91,34 % i u posljednjih 6 godina, najniži kvalitet je u 2020. godini, upravo zbog naprijed navedenih rješenja o mjesnoj nenadležnosti.

Cilj ovog suda je da se u 2021. godini dostigne godišnji nivo kvaliteta 87 %, te da ovaj kvalitet u 2023. godini ne bude manji od 90 %.

Za realizaciju ovog strateškog cilja, neophodno je poduzeti sljedeće aktivnosti:

- redovno održavati mjesečne stručne kolegije;
- analizirati kvalitet ožalbenih odluka, vraćenih sa drugostepenog suda tj. broj potvrđenih, ukinutih, preinačenih odluka po odjeljenjima sa ciljem unaprijeđenja njihovog kvaliteta, kao i ujednačavanje sudske prakse,
- u istovrsnim predmetima s posebnom pažnjom postupati, te se pridržavati izraženih stavova višeg suda u ožalbenoj odluci
- pridržavanje donijetih smjernica Kantonalnog suda u Bihaću kod općinskih sudova za postupanje u prvostepenom parničnom postupku

Potencijalne probleme i rizike koji sa mogu pojaviti kao prepreka za realizaciju ovog strateškog cilja prepoznamo u vidu sljedećih okolnosti:

- promjena sudske prakse od strane ožalbenog suda

### **Trogodišnji cilj 3. - Unapređenje transparentnosti rada suda**

Općinski sud u Velikoj Kladaši pridržava se transparentnosti u svom radu.

Na web stranici suda, široj javnosti dostupne su sve neophodne informacije, od uputa građanima i organizacije rada suda, aktivnosti koje se poduzimaju kako u radu na sudskim predmetima, tako i radu sudske uprave, stupanja u radni odnos nositelja pravosudnih funkcija, kao i državnih službenika i namještenika.

Web stranica suda je tako organizirana da građani koji pristupe portalu imaju informaciju mjesečnim i godišnjim rezultatima rada suda, broju neriješenih predmeta, broj riješenih predmeta i broj zaprimljenih predmeta. Javnosti su na isti način dostupni narativni izvještaji o radu suda u kom izvještaju su sadržani svi bitni podaci.

Isto tako web stranica je povezana sa centralnim pravosudnim web portalom pravosudje.ba, pa tako sve zainteresirane osobe imaju jednak i jednostavan pristup sudskim predmetima putem interneta (web pristup), određenim informacijama iz pravosuđa, te pristup interaktivnoj mapi o rezultatima rada Općinskog suda u Velikoj Kladaši i porediti rezultate rada ovog suda i drugih sudova.

U sudu su imenovani, službenici za odnose s javnošću, web urednik i web administrator.

U cilju unapređenja transparentnosti rada Općinskog suda u Velikoj Kladaši ovim Programom se nastoji osigurati transparentnost i javnost rada suda na način da podaci o radu suda i rezultatima budu dostupni i široj javnosti i to putem konferencija za štampu ili izlaganja podataka o radu suda na lokalnim radio stanicama.



Ovakva prezentacija rezultata rada ovog suda putem lokalnih medija, ima za cilj pojasniti ulogu suda u društvu, nadležnost suda i vraćanja povjerenja građana u rad suda, a time i povjerenja građana u rad sudova u cjelini.

Potencijalne probleme i rizike koji se mogu pojaviti kao prepreka u realizaciji ovog strateškog cilja prepoznamo u vidu sljedećih okolnosti:

- nedovoljna finansijska sredstva u budžetu
- negativna percepcija javnosti o radu pravosuđa uopće

#### 4) ANALIZA UNUTRAŠNJEG I VANJSKOG OKRUŽENJA U KOJEM RADI SUD;

SNAGE	SLABOSTI
<ul style="list-style-type: none"> <li>✓ Profesionalan i stručan kadar</li> <li>✓ Potpuna popunjenost brojem nositelja pravosudne funkcije</li> <li>✓ kvalitetan Pravilnik o unutrašnjoj organizaciji i sistematizaciji radnih mjesta</li> <li>✓ stabilna finansijska sredstva</li> <li>✓ visok stepen ažurnosti</li> <li>✓ saradnja i timski rad</li> <li>✓ kvalitetna IKT podrška</li> <li>✓ obučeno i kvalitetno nesudsko osoblje</li> </ul>	<ul style="list-style-type: none"> <li>✓ nepopunjenost sistematiziranih radnih mjesta nesudskog osoblja</li> <li>✓ niska primanja zaposlenih u sudu</li> <li>✓ neriješeni ostavinski predmeti inicirani do 31.12.2018.godine</li> <li>✓ nedovoljna transparentnost i komunikacija sa medijima</li> <li>✓ nivo kvaliteta sudskih odluka ispod 90 %</li> </ul>
PRILIKE	PRIJETNJE
<ul style="list-style-type: none"> <li>✓ mediji</li> <li>✓ redovna primanja po osnovu plaća i ostalih naknada</li> </ul>	<ul style="list-style-type: none"> <li>✓ nedostatak finansijskih sredstava posebno u dijelu novog upošljavanja</li> <li>✓ negativna percepcija javnosti o radu pravosuđa u cjelini</li> <li>✓ iseljenje građana u Evropske zemlje i druge kontinente</li> <li>✓ migranti</li> <li>✓ ograničenja u radu vezano za pandemiju Covid 19</li> <li>✓ neplanirana duža odsustva nositelja pravosudne funkcije i ostalih zaposlenih u sudu</li> <li>✓ nagli priliv određene vrste predmeta</li> </ul>

Primjenom SWOT analize prepoznate su unutrašnje snage i slabosti koje sud posjeduje i na koje može utjecati, te vanjski faktori koji mogu biti prilika ili prijetnja u realizaciji postavljenih strateških ciljeva i na koje sud nema uticaja.

- ✓ Tako su kao snaga Općinskog suda u Velikoj Kladaši identifikovane sljedeće jake tačke: Profesionalan i stručan kadar, potpuna popunjenost brojem nositelja pravosudne funkcije, kvalitetan Pravilnik o unutrašnjoj organizaciji i sistematizaciji radnih mjesta, stabilna finansijska sredstva, visok stepen ažurnosti, saradnja i timski rad, kvalitetna IKT podrška i obučeno i kvalitetno nesudsko osoblje
- ✓ Kao slabosti identifikovane su sljedeće slabe tačke: nepopunjenost sistematiziranih radnih mjesta nesudskog osoblja, niska primanja zaposlenih u sudu, neriješeni ostavinski predmeti inicirani do 31.12.2018.godine i nedovoljna transparentnost i komunikacija sa medijima te nivo kvaliteta sudskih odluka ispod je 90 %.
- ✓ Ovaj sud kao priliku za unapređenje i realizaciju postavljenih strateških ciljeva vidi saradnji sa medijima i redovnim primanjima po osnovu plaća i ostalih naknada.
- ✓ Kao vanjske prepreke, koje su izvan kontrole suda kao prijetnje identifikovane su sljedeće prepreke : nedostatak finansijskih sredstava posebno u dijelu novog upošljavanja, negativna percepcija javnosti o radu pravosuđa u cjelini, iseljenje građana u Evropske zemlje i druge kontinente , migranti, ograničenja u radu vezano za pandemiju Covid 19, neplanirana duža odsustva nositelja pravosudne funkcije i ostalih zaposlenih u sudu te nagli priliv određene vrste predmeta.

## B. Pregled strateških ciljeva suda

Naziv strateškog cilja	Izvor	Program u DOB-u	Partneri
Zadržavanje dostignute efikasnosti i ažurnosti rada suda, te unaprijeđenje efikasnosti i ažurnosti vanparničnih predmeta - ostavinski predmeti	Strategija za reformu sektora pravde u Bosni i Hercegovini za period od 2014. do 2018. godine Srednjoročni plan rada Visokog sudskog i tužilačkog vijeća za period od 01.01.2021. do 31.12.2023. godine	Budžet USK-a	VSTV BiH, Notari sa područja Općine Velika Kladuša
<b>Pokazatelji za krajnje rezultate</b>	<b>Očekivani rezultati po godinama</b>		
	2021	2022	2023
riješen priliv u svim predmetima	100%	100%	100%
smanjen broj neriješenih ostavinskih predmeta 30%	5%	10%	15%
riješeni svi ostavinskih predmeti iniciranih 31.12.2018. godine	5%	10%	15%
smanjen broj neriješenih predmeta na drugim referatima za 10%	3%	3%	4%

Naziv strateškog cilja	Izvor	Program u DOB-u	Partneri
Unaprijeđenje kvalitete rada suda	Srednjoročni plan rada Visokog sudskog i tužilačkog vijeća za period od 01.01.2021. do 31.12.2023. godine Strategija za reformu sektora pravde u Bosni i Hercegovini za period od 2014. do 2018. godine	Budžet USK-a	VSTV BiH, Kantonalni sud u Bihaću
<b>Pokazatelji za krajnje rezultate</b>	<b>Očekivani rezultati po godinama</b>		
	2021	2022	2023
Povećan ukupan kvalitet sudskih odluka za 4%	87%	88%	90%
Realizovane planirane obuke za NPF	100%	100%	100%
Smjernice Kantonalnog suda u Bihaću u potpunosti primjenjene	100%	100%	100%

Naziv strateškog cilja	Izvor	Program u DOB-u	Partneri
Unapređenje transparentnosti rada suda	Strategija za reformu sektora pravde u Bosni i Hercegovini za period od 2014. do 2018. godine Strateški plan VSTV-a BiH	Budžet USK-a	Ministarstvo finansija USK-a, Ministarstvo pravosuđa i uprave USK-a i mediji
<b>Pokazatelji za krajnje rezultate</b>	<b>Očekivani rezultati po godinama</b>		
	2021	2022	2023
Objavljeni rezultati rada suda na web stranici	100 %	100%	100%
Objavljene sudske prodaje nekretnina	100 %	100%	100%
Blagovremen odgovor na upite medija	100 %	100%	100%
Objava rezultata rada i svih bitnih pitanja rada suda na lokalnim radio stanicama	2 puta godišnje	2 puta godišnje	2 puta godišnje

### C. Trogodišnji ciljevi i aktivnosti po strateškim ciljevima

<b>Strateški cilj 1</b>		Unapređenje efikasnosti i efektivnosti pravosudnih institucija BiH		
<b>Trogodišnji cilj 1.1.</b>		Zadržavanje dostignute efikasnosti i ažurnosti rada suda, te unapređenje efikasnosti i ažurnosti vanparničnih predmeta - ostavinski predmeti,		
<b>Pokazatelji za izlazne rezultate</b>		<b>Očekivani rezultati po godinama</b>		
		2021 (n)	2022 (n+1)	2023 (n+2)
riješen priliv u svim predmetima		100%	100%	100%
smanjen broja neriješenih ostavinskih predmeta za 30%		5%	10%	15%
riješavani svih ostavinski predmeti iniciranih sa 31.12.2018. godine		5%	10%	15%
Smanjen broj neriješenih ostalih predmeta za 10%		3%	3%	4%
<b>Redni broj</b>	<b>Naziv aktivnosti za 2020. godinu</b>	<b>Rok izvršenja (po kvartalima u 2021. godini)</b>		<b>Nosilac (najmanji organizacioni dio)</b>
1.	održavanje redovnih stručnih kolegija radi analiziranja rješavanja svih predmeta	I - IV		Predsjednik suda, sudije
2.	nastaviti sa praksom sastavljanja mjesečnih izvještaja o broju riješenih i neriješenih predmeta i opterećenosti ovim brojem svih NPF-e pojedinačno, te sukladno izvještaju vršiti preraspodjelu predmeta.	III		Sudije
3.	saradnja sa notarima radi bržeg rješavanja ostavinskih predmeta	I - IV		Predsjednik suda, notari
4.	suci koji duže ostavinske predmete, a koji su vraćeni sudu na rješavanje, mjesečno dostavljati izvještaje	III		Sudije

<b>Strateški cilj 2</b>		<b>Unapređenje efikasnosti, odgovornosti, kvalitete i neovisnosti sektora pravde u BiH</b>		
<b>Trogodišnji cilj 2.1.</b>		<b>Unapređenje kvalitete rada suda</b>		
<b>Pokazatelji za izlazne rezultate</b>		<b>Očekivani rezultati po godinama</b>		
		<b>2021 (n)</b>	<b>2022 (n+1)</b>	<b>2023 (n+2)</b>
Povećan ukupan kvalitet sudskih odluka za 4%		87%	88%	90%
Realizovan plan obuka za NPF-e		100%	100%	100%
<b>Redni broj</b>	<b>Naziv aktivnosti za 2020. godinu</b>	<b>Rok izvršenja (po kvartalima u 2021. godini)</b>		<b>Nosilac (najmanji organizacioni dio)</b>
1.	redovno održavanje mjesečnih stručnih kolegija	I – IV		Svi nositelji pravosudne funkcije
2.	analiziranje kvaliteta ožalbenih odluka	I - IV		Svi nositelji pravosudne funkcije
3.	pridržavanje izraženih stavova višeg suda u ožalbenoj odluci	I - IV		Svi nositelji pravosudne funkcije
4.	pridržavanje smjernica Kantonalnog suda u Bihaću	I - IV		Svi nositelji pravosudne funkcije



<b>Strateški cilj 3</b>		<b>Unapređenje transparentnosti i otvorenosti rada suda</b>		
<b>Trogodišnji cilj 3.1.</b>		<b>Unapređenje transparentnosti rada suda</b>		
<b>Pokazatelji za izlazne rezultate</b>		<b>Očekivani rezultati po godinama</b>		
		<b>2021 (n)</b>	<b>2022 (n+1)</b>	<b>2023 (n+2)</b>
Objavljeni rezultati rada suda na web stranici		100% (mjesečni i godišnji)	100% (mjesečni i godišnji)	100% (mjesečni i godišnji)
Objavljene sudske prodaje nekretnina		100%	100%	100%
Blagovremeno dostavljen odgovor na sve upite		100%	100%	100%
Transparentna komunikacija sa lokalnim radio stanicama		100%	100%	100%
<b>Redni broj</b>	<b>Naziv aktivnosti za 2020. godinu</b>	<b>Rok izvršenja (po kvartalima u 2021. godini)</b>	<b>Nosilac (najmanji organizacioni dio)</b>	
1.	Redovno ažuriranje sadržaja web stranice	I – IV	web urednik i web administrator	
2.	Ažurna objava sudskih ročišta za prodaju nekretnina	I – IV	sudije , web urednik i web administrator	
3.	Ažuran rad službenika za odnose s javnošću	I – IV	Službenik za odnose s javnošću	
4.	Održavanje konferencija za medije	I – IV	Predsjednica suda i službenik za odnose s javnošću	



Predsjednica suda  
Jasmina Miljković